



Ilaqutariinnermut Peqqissutsimullu Ataatsimiititaliaq  
Inatsisartut  
Postboks 1060

13-04-2026  
Sags nr. 2026-6692  
Akt. id. 26359747

Postboks 970  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

## **UKA 2025/94-imik ataatsimiititaliap suliaqarneranut atatillugu Ilaqutariinnermut Peqqissutsimullu Ataatsimiititaliap apeqqutaanik akissutit**

Asasara Ilaqutariinnermut Peqqissutsimullu Ataatsimiititaliaq

UKA2025/94-imik Ilaqutariinnermut Peqqissutsimullu Ataatsimiititaliap suliaqarneranut atatillugu ull. 7. april 2026-mi ilisimatitsinnermut tunngasutut ataatsimiinnermi utoqqalinersiuteqarnermik suliaasaqarfimmi immikkut ilisimasallit maannakkut suliarisaannut ataatsimiititaliaq apeqquteqarpoq.

UKA2025/94 utoqqalinersiuteqarneq pillugu Inatsisartut inatsisaata allanngortinnissaanut Naalakkersuisut siunnersuusioqquneqarnerat pillugu Inatsisartut aalajangiiffigisassaannut tunngavoq, taamaalilluni isertitat annertussusiisa malitsigisaannik utoqqalinersiutini ikilisaasoqarunnaarluniluunniit atorunnaarsitsisoqartarunnaassalluni.

Ataani apeqqutit uteqqinneqarput, ataasiakkaarlugillu akineqarlutik.

### **Apeqqut 1**

Immikkut ilisimasallit suliaat aallartinneqartoq aamma suliaq sumut killissimanersoq pillugu ersarissaavigineqarnissaa ataatsimiititaliap kissaatigaa. Immikkut ilisimasallit allanik suliakkerneqarsinnaappat?

### **Akissut**

Manna tikillugu soraarnerussutisianut iluarsaaqqinnermut immikkut ilisimasallit ulluni 13.-14. januarimi, aamma 24. marts 2026-mi marloriarlutik ataatsimiissimapput. Tamakku saniatigut ulloq 22. april 2026-mi qarasaasiaq aqqutigalugu ataatsimiinnissaq pilersaarutaavoq, kiisalu soqutigisaqaaqatigiinnit attuumassutilinnit, suliarisassat allassimaffiani<sup>1</sup> kinaassusersineqartunik peqataasoqarfiusumik ulloq 6. maj 2026-mi soqutigisaqaaqatigiit isumasioqatigiissinneqassapput.

<sup>1</sup> Ilanngussaq 1: Suliarisassat allassimaffiat

[https://naalakkersuisut.gl/-/media/departementer/sociale\\_anliggende/formalia/kommissorie-til-ekspertgruue-til-pensionsreform-kal.docx](https://naalakkersuisut.gl/-/media/departementer/sociale_anliggende/formalia/kommissorie-til-ekspertgruue-til-pensionsreform-kal.docx)



Ingerlatassatut aalajangiussaq malillugu immikkut ilisimasallit suliaqarput, aallartiffiullu nalaani suliassamut ataatsimoorussatut misissueqqissaarinermik tunngavigisassap pilersinnissaa alaatsinaatarisimavaat. Tamatumani ilaatigut ilaavoq tamaaneereersutut soraarnerussutisisarnermut aaqqiissutip nalunaarsornera, ilanngullugit utoqqalinersiuteqarnerit, pinngitsuugassaannngitsutut soraarnerussutisiaqarnermut aaqqiissutit, aamma ikorsiissutit sinnerisa akornanni sunniivigeqatigiinnerit, kiisalu qitiusutut unammillerfissanik aamma ajornartorsiuteqarfiusunik suussusersinerit.

Maannakkut soraarnerussutisiaqarnermut aaqqiissutaasumi kajumissaarussutitut ilutsinik misissueqqissaarinermik suliarineqarput, ilanngullugit ilanngaateqarluni naatsorsuinermit malittarisassiat atuuttut pingaaruteqassusii, kiisalu tamanik takunnissinnaanernik, aammalu aaqqiissutini killeqarfinnik qaangiisutut aningaasaqarnikkut kingunerisinnaasanik innuttaasut misigisaannik qaammarsaanerit. Pilersuisarnermut tunngavigisap, suliffissanik neqeroorutaasut, aamma suliap nanginnerani inuiaqatigiinni aningaasaqarnermi piujuartitsinerup akornanni oqimaaqatigiissutsit pillugit isumaliutit aamma ilaapput.

Ingerlatarisami soqutigisaqatigiinnik ilanngussaqaarneq qitiusutut ilaavoq. Immikkut ilisimasallit inassutigisaasa sulianut tunngasutut ingerlattakkatigut qajannaatsuunerannik, oqimaaqatigiissuunerannik, aamma piviusuni atorneqarsinnaanerannik qularnaarinissamut isumasioqatigiinneq takkuttusaaq ilassuteqassaaq. Taamaalillutik ingerlatap nanginnissaani, aamma tigussaasutut iluarsiissutissatut ilutsinik immikkut ilisimasallit suliaqarnerisa pitsaassusilerneranni soqutigisaqatigiit isigisarisaat misilittagaallu pingaarutilittut inissisimaffeqassapput.

Immikkut ilisimasallit aalajangiussatut piffissalersuummik malittarinnittuassasut, taamaalillutillu 2026-p naanera sioqqullugu tamakkiisutut inassutigisaminik saqqummiussinissaat naatsorsuutiqineqarpoq.

Suli pissutsinut ilassutaasunut immikkut ilisimasallit isummeqquneqassappata tamanna Naalakkersuisunit akuersissuteqarnissamik tunngaveqartariaqassaaq. Immikkut ilisimasallit suliassarisaannik taamatut allisaqarneq aamma piffissamik isumalluutissanillu suli annertunerusunik ilanngussaqaarnissamik pisariaqartitsissaaq.

## Apequt 2

UKA2025/94-imut Naalakkersuisut allannguutissatut siunnersuutaata aamma immikkut ilisimasallit suliaralugu aallartitaata akissuteqaammi allassimasup assigiinngissutaat ersersinneqarnissaa ataatsimiititaliap kissaatigaa. Tulliuttuni issuaaneq:

- "Soraarnerussutisiaqarnermut aaqqiissuusseqqinnermi appariartuaartitsinissamut killiliussat iluarsiat ilanngunneqarsinnaanerit pillugu immikkut ilisimasallit misissussagaat peqquneqassasut." taamaaginnartitsinermit tamakkiisutut ilanngaateqarsinnaanerit kiffaanngissuseqarfimmut pisoqarfiusinnaasut ilanngullugit"
- "Suliassanut nassuiaatip ilaatigut aalajangerpai immikkut ilisimasallit "suliaqarnermit isertitanit utoqqalinersianik ilanngaateqarluni malittarisassiat allanngortitat sunniutaannik misissueqqissaaralutillu annertussusiliissasut (...)



taamaaginnartitsinermi tamakkiisutut ilanngaateqarsinnaanermut kiffaanngissuseqarfimmut  
pisoqarfiusinnaasut ilanngullugit<sup>2</sup>

### Akissut

Oqaaseqatigiit ilarneqartoq suliassami nassuiaammiit sukumiinerusumik allaaserineqarpoq, immikkut ilisimasallit naatsorsuutigisaaniit, ilanngaatsinnissamut malittarisassat sunniutai, misissukkat aallaavigalugit tamanna EM2025/94 allannguutissatut siunnersuummiit naleqqiullugu ersarissaaneruvoq. Taamaamat oqaaseqatigiit imminnut akерleriingillat.

### Apeqqu 3

Utoqqalinermi soraarnerussutisialinnut ilanngaateqartitsinermi malittarisassat allanngortinneqarnissaannut immikkut ilisimasallit toqqaannartumik isummersinnaatitaappata. UKA2025/94-imut Naalakkersuisut allannguutissatut siunnersuutaat akuerineqassappat immikkut ilisimasallit suliaanut qanoq sunniuteqassava?

### Akissut

Allannguutissatut siunnersuut siullermeerluni sularineqarpoq ulloq 08.10.2025. Immikkut ilisimasallit suliassatut nassuiaataat inaarutaasumik akuerineqarpoq immikkut ilisimasallit siullermeerlutik ataatsimiinneranni ulloq 13.01.2026.

Allannguutissatut siunnersuut UKA2025/94, maanna ilusimini pisariaaruppoq, immikkut ilisimasallit suliassatut nassuiaataani suliassatut allaaserineqareerma, taamaalillunilu ataatsimiititaliap misissuinissamut kissaataa malinneqarpoq.

Med venlig hilsen

Aqqaluaq B. Egede

<sup>2</sup> [https://ina.gl/media/o2adr53i/pkt94\\_fm2026\\_em25\\_bf33\\_alderspension\\_bet\\_2beh\\_bilag1\\_kal.pdf](https://ina.gl/media/o2adr53i/pkt94_fm2026_em25_bf33_alderspension_bet_2beh_bilag1_kal.pdf)